

## Urdd Gobaith Cymru

### Datganiad yn Adrodd ar y Bwlch Cyflog Rhwng y Rhywiau

Adroddiad gan Urdd Gobaith Cymru ynglŷn â'r Bwlch Cyflog Rhwng y Rhywiau yw hwn.

Am ragor o wybodaeth cysylltwch ag Adran Adnoddau Dynol Urdd Gobaith Cymru:

[swyddi@urdd.org](mailto:swyddi@urdd.org)

O Ebrill 2017 ymlaen o dan Reoliadau 2017 Deddf Cydraddoldeb 2010 (Dyletswyddau Penodol ac Awdurdodau Cyhoeddus) mae'n ofynnol yn ôl y gyfraith fod pob sefydliad yn y DU sy'n cyflogi mwy na 250 o weithwyr yn cyhoeddi'r gwahaniaeth rhwng cyflogau dynion a menywod dros gyfnod safonol. Gelwir hyn yn Adrodd ar y Bwlch Cyflog Rhwng y Rhywiau.

Mae'r bwlch cyflog rhwng y rhywiau yn rhoi ciplun o'r cydbwysedd rhwng dynion a menywod mewn sefydliad ar adeg benodol. Mae'n mesur y gwahaniaeth rhwng cyflogau cyfartalog yr holl ddynion a merched, beth bynnag fo'u rôl, ac yn dangos y gwahaniaeth rhwng cyflog cyfartalog (cymedr neu ganolrif) y ddau ryw. Mae'r ystadegau yn yr adroddiad hwn yn rhoi ciplun o broffil gweithwyr yr Urdd ar 5ed Ebrill 2020.

### **Ffigurau ar gyfer y Bwlch Cyflog Rhwng y Rhywiau**

#### **Cyfradd Cyflog Fesul Awr**

|  | <u>2020</u> | <u>2019</u> |
|--|-------------|-------------|
| Cymedr y bwlch cyflog rhwng y rhywiau:   | 3%          | 4%          |
| Canolrif y bwlch cyflog rhwng y rhywiau: | 0%          | 4%          |

Nid yw gweithwyr yr Urdd yn derbyn taliadau bonws.

#### **Chwarteli cyflog yn ôl rhyw**

|                     | <u>2020</u>  |              | <u>2019</u>  |              |
|---------------------|--------------|--------------|--------------|--------------|
|                     | <u>Gwryw</u> | <u>Benyw</u> | <u>Gwryw</u> | <u>Benyw</u> |
| Chwartel Uchaf      | 47%          | 53%          | 49%          | 51%          |
| Chwartel Canol Uwch | 36%          | 64%          | 38%          | 62%          |
| Chwartel Canol Is   | 41%          | 59%          | 37%          | 63%          |
| Chwartel Isaf       | 43%          | 57%          | 44%          | 56%          |

*Mae'r canlyniadau uchod yn seiliedig ar 330 o weithwyr – 138 Gwryw (41.82%) a 192 Benyw (58.18%)*

Mae'r Urdd wedi ymrwymo i egwyddor fod pawb yn cael cyfle cyfartal ac yn cael eu trin yn gyfartal, beth bynnag fo'u rhyw neu eu cefndir. Rydym wedi mabwysiadu agwedd tuag at Gyflogau Staff sy'n sicrhau bod staff yn cael eu trin a'u gwobrwyo'n gyfartal, beth bynnag fo'u rhyw.

Gallwn gadarnhau nad yw'r bwlch cyflog rhwng y rhywiau yn deillio o dalu cyflogau gwahanol i ddynion a menywod am yr un gwaith neu waith cywerth.

### **Mesurau i fynd i'r afael â'r bwlch cyflog rhwng y rhywiau**

Er bod yr Urdd yn hyderus yn ei agwedd tuag at gyflogau staff, rydym yn cydnabod nifer o fesurau y byddai modd eu mabwysiadu i fynd i'r afael â'r bwlch:

- Rydym yn gweithredu polisi gweithio'n hyblyg ac yn cefnogi amrywiaeth o drefniadau gweithio hyblyg ledled y mudiad. Byddwn yn parhau i gefnogi a hyrwyddo'r cyfleoedd hyn ble bynnag y bo hynny'n bosibl.
- Rydym wedi rhoi system Adnoddau Dynol newydd ar waith a fydd yn gwella ein gallu i lunio adroddiadau a chynnal dadansoddiadau o bobl, a fydd yn galluogi unrhyw anghydwysedd i gael ei nodi a'i ddatrys fel y bo'n briodol, er enghraifft:
  - Adrodd ar newidiadau mewn cyflog a chyflogau cychwynnol newydd er mwyn adolygu'r cyflogau sy'n cael eu cynnig i weithwyr gwrywaidd a benywaidd;
  - Adolygu'r gwahaniaeth rhwng nifer y dynion a'r menywod sy'n cael cyfleoedd am ddyrchafiad yn y mudiad;

Fel y gwelir o'n ffigurau, llenwir dros 58% o swyddi'r Urdd gan fenywod, sy'n golygu eu bod yn parhau i chwarae rhan allweddol o'r gweithlu. Mae nifer o'r menywod hyn mewn swyddi rheoli ac yn gwneud penderfyniadau allweddol o fewn y mudiad, gan gynnwys y Prif Weithredwr, Cyfarwyddwr Canolfan Breswyl Llangrannog, Cyfarwyddwr Ieuentid a Chymunedau (Gogledd Cymru), Cyfarwyddwr Cyfathrebu a Datblygu, Cyfarwyddwr yr Eisteddfod a'r Celfyddydau, a Phennaeth Gwersyll Caerdydd, ac mae pob un o'r rhain yn aelodau'r Uwch Dîm Rheoli.

Sian Lewis  
Prif Weithredwr  
Urdd Gobaith Cymru